

齋 齋 齋 齋 齋
齋 齋 齋 齋 齋
齋 齋 齋 齋 齋

上清境大劫經終

上清境上開經第五

如是經中大圓滿性無有限量所有演說一切諸品要法上境至真甚深微妙無有虛謬前劫今劫後劫諸如此等言說汝等各宜敬信生大慈大悲無礙心大不可得心必見希有之事凡今天下所願皆欲冥心寂靜恭敬聽信不得生諸惡業貪嗔邪見無復妄談諸天日月星宿周迴數度皆主明災福因緣或順或逆或留或伏或明或暗或昇或降或沈或舉或遷或度皆主吉凶周天二十八宿皆

歷諸天故有下方人民皆當修崇恭敬看其行度祈禱禳謝即得免離諸厄難我今為汝演說權度星辰之法當嚴備香花燈燭於清靜堂宇塑繪十一曜儀形二十八宿諸金井銀河紫雲分野吉祥凶禍妖孽暗昧星真形

儀者宣經文修設醮筵用五穀布燈取本命年月日時所屬更用五方色彩安鎮壇內皂一尺赤二尺青三尺白四尺黃五尺稱揚法事一切至真並皆回曜轉禍為福變凶為祥若有男女能依此法而未聞如是要法凡能

修齋建立道場之人各宜轉轉教人莫生障礙於其福德亦不可思議若復有人無力可以修崇能生敬信讚嘆功德其於善報亦能增長一切災難亦皆消滅若復一切善士能發大慈悲行則於境內大施福力建立壇宇廣崇供養欲令一切皆承

道恩如是福德無有邊際無有窮盡能發善心為人修禳莫生懈怠亦復如是於其衆中若復有人見人建立道場自生輕慢不信戒法稱是虛言若有災難但欲希望苟免當於

此時若發善念不能上達使及一切眷屬皆不聞法如是諸苦皆是自致及生異世永失道德本原所有諸障惱連綿世世無復解脫即於其後大得傷害流及累世子孫誠可悲哀我今說法欲得皆能信受而說偈曰

汝等敬奉 莫生懈怠 莫起怨恨 莫生惡相 絕滅一切 種種諸累 心常清靜 行常智慧 意滅煩惱 念不退道 如是等事 各宜執戒 永不復犯 故現諸法 皆信是行 至無上道

上開經靈符

齋 齋 齋 齋 齋
齋 齋 齋 齋 齋
齋 齋 齋 齋 齋

上清境上開經終